

**Inatsisartut inatsissaattut siunnersuut nr. xx ulloq xx.xx 2016 Siusinaartumik pensionisiat pillugit Inatsisartut inatsisissaannut allannguutissatut siunnersuut** (Isumaginninnermut Ilaqutariinnermut Naligiisitaanermut Inatsisit Atortinneqarnerinullu Naalakkersuisoq)

### **Saqqummiussinermut allakkiaq**

(Isumaginninnermut Ilaqutariinnermut Naligiisitaanermut Inatsisit Atortinneqarnerinullu Naalakkersuisoq)

### **Siullermeerneqarnera**

Siusinaartumik pensionisiat pillugit inatsit ulloq 1. juli 2016 atuutilerpoq.

Inatsisartut inatsisaat § 31 atuutsilersinneqarneranut atatillugu kalaallisut qallunaatullu allassimanerini naapertuutinngitsoqartoq paasinarsivoq.

Siusinaartumik pensionisianik pisartagaqalernissamik pisinnaatitaaffiup qaqugukkut atuutilerpera pillugu sulianik ingerlatsinissani inatsisip qallunaatut kalaallisullu allassimanerini naapertuutinngitsoqarnera sunniuteqarpoq.

Inatsimmi siunertarineqarpoq siusinaartumik pensionisiaqalernissamut pisinnaatitaaffiup piunasaqaatit naammassineqareerpata kommunalbestyrelsilu siusinaartumik pensionisiaqalernissamik qinnuteqaammut akuersaartumik aalajangiinerata kingorna qaammatip allaqqaataani siusinaartumik pensionisiaqalernissamut inatsisitigut atuuttumik pisinnaatitaaffealernissaq. § 31-imi oqaaseqaatini kalaallisut qallunaatullu allassimaneri paasiuminaallisitsisinnaasunik kukkunertaqarput inatsissatullu siunnersuusiami matumani taaneqartut aaqqiissuteqarfiginiarneqarlutik.

Inatsissatut siunnersuutip inatsimmi kalaallisut qallunaatullu allassimasut naapertuutilersissavai.

Ikaarsaariarnermi aalajangersagaq atuuttussaqaq inatsissatut siunnersuummi ilanngullugu suliaqarineqarpoq, tamatumani Siusinaartumik pensionisiat pillugit Inatsisartut inatsisissaanni aalajangersakkap kalaallisut allassimaneranut sanilliullugu inatsisissatut siunnersuutip kingunerisaanik innuttaasut inatsisitigut inissisimaneranut atatillugu kingumut atuuttumik naapertuutinngitsumik innuttaasut inissisimalinnginnissaat qulakkeerumallugu.

Naalakkersuisut sinnerlugit kukkuneq ajuusaarutigaa, innuttaasulli inatsisitigut inissisimaneri eqqarsaatigalugit Naalakkersuisunit neriuutigineqarpoq inatsisissatut siunnersuutigineqartoq Inatsisartunit ilassilluarneqarumaartoq.

Taama oqaaseqarlunga siunnersuut Inatsisartuni suliarisassanngorlugu tunniuppara.